



UNIVERSITÄTS-  
BIBLIOTHEK  
PADERBORN

# **Archiepiscopatus Et Electoratus Trevirensis**

**Abtei Sankt Maximin <Trier>**

**Avgvstae Trevirorum, 1633**

Conclusio.

---

[urn:nbn:de:hbz:466:1-62152](https://nbn-resolving.org/urn:nbn:de:hbz:466:1-62152)

tra eosdem Monachos Sententiam iuxta Apostolica Indulta & Cæsarea Priuilegia latam, Authoritate Apostolica confirmaturam; nec Eminentiam Suam, si antiquissimis Apostolicis Indultis & Diplomatum, Cæsareis item Regalibus, Priuilegiis, Sententiis, rebus iudicatis ac Concessionibus, pro manutentione Iurium S. Ecclesiæ Treuirensis, vtatur, impedituram; cum primis, quia, hi Monachi refractarij per suam rebellionem, & ab Archiepiscopali ac Electorali Iurisdictione Ecclesiastica atque Sæculari defectionem, & Luxemburgensium prætensam falsam, violentam ac iniustam protectionem, hostilesque inuasionem, & Hispanici militis introductionem causerunt, vt Dominium Fell cum Castro & pagis, omnibusque appertinentiis, Rex Suecorum, Comiti Rheni, in Donationem iure belli concesserit, Comes etiam possessionem bello hoc durante arripuerit, omnesque redditus, proventus & emolumenta ad se trahere intendat, eaque propter Monasterium dismembratum sit; cum tamen, modernus Dñs Archiepiscopus & Princeps Elector, mediante Christianissimi Franciæ Regis Assistentia, modò Monachi, sub obedientia & subiectione Archiepiscoporum ac Electorum, Ordinariorum, ac Dominorum territorij, vt vi Canonum, Iurium, ac Iuramentorum tenebantur & tenentur, permansissent, dictum Dominium absque difficultate conseruare potuisset.

N 28.  
Ob Monachorum rebellionem & falsam Protectionem Luxemburgensium Castrum Fell cum pertinentiis occupatur, ac ita Monasterium dismembratur.

### C O N C L U S I O.

**E**X his, quæ hætenus, ex Iure & notorietate, foundationibus Archiepiscoporum, ac concessionibus Pontificiis, Cæsareis, Regumque Francorum, Imperij atque Supremi Eiusdem Tribunalis Spirensis, respectiuè, Indultis, Priuilegiis, Regalibus, Gratijs, Sententiis, & rebus

bus

bus iudicatis, nec non Eorundem Confirmationibus, Iuramentis item, Archiepiscopis ac Electoribus, ab Abbatibus S. Maximini, præstitis, aliisque documentis, liquidissime, præsertim ex computu, per Quæstoriam Electoralem, super expositis Commendæ, factu, deducta sunt, luce meridiana clarius apparet

I. Monachos Sancti Maximini, Collationi Pontificiæ Commendæ seditiosè contradixisse; Imperatoris cognitionem & iudicium, in causa hac merè Ecclesiastica, & beneficiali, contra Canones & Bullas Cœnæ Domini, sollicitasse; arque Sedi Apostolicæ, Summo Pontifici, Sacro Rotæ Romanæ Auditorio, ac moderno D. Archiepiscopo Treuirensi, ac Principi Electori, Ordinario Suo in Ecclesiasticis & Sæcularibus Magistratui, mediante annullata, inualida & caduca Luxemburgica Protectione, iniustè sese opposuisse; Dñm Archiepiscopum, violentis hisce oppositionibus, constitutioneque; procuratorij ad resignandum inualida, & iniustis armis extorta, & à Pontifice minimè acceptata, non attentis, titulum & possessionem prædictæ Commendæ, reseruasse; ac propterea Eminentissimum Principem, D. Philippum Christophorum &c. in posterum, pro vero & legitimo Commendatore, à Monachis agnoscere & haberi debere; Suxque Eminentix competere ius percipendi fructus & redditus Commendæ, in Bulla Pontificia deputatos, & à tempore apprehensæ possessionis seruatos; nec non ius repostendi pensiones, Romæ huius Commendæ intuitu solutas; ibidemque ac publicis Legationibus, in Aulis Cæsareæ ac Bruxellessi, alibi que, factas expensas; vti & damna per inuasiones, extorsiones, aliasque hostilitates causata & illata; ac ideo Archidiocesi, prædictæ Abbatix prouentus, redditus & emolumenta affecta esse; ac tam diu manere de-

G

bere,

## 48. PONTIFICATVS IN ARCHIEPISCOPATV

bere, donec, de omnibus expensis, pensionibus, & debitis, à dicta Quæstoria, ad viginti octo mille octingentos quatuordecim Coronatos, taxatis; nec non de fructibus Commendæ; illatisq; damnis, suo tempore taxandis plenariè satisfactum sit.

II. Altedicto Dño Archiepiscopo & Principi Electori, more & exemplo Antecessorum Suorum, Iurisdictionem Ecclesiasticam & Sæcularem omnimodam, in & super Monasterium S. Maximini, Eiusq; Subditos, Cæsarum & Pontificum concessionibus, (Abbatum, Priorum, & Conuentus sæpenominati Monasterij, per falsas informationes, dolos, fraudes, mendacia, machinationes, ac sub- & obreptitiè ex practicatis Priuilegiis, ac Diplomatis, vti talibus, ac ideo pro nullis, declaratis, iudicatis ac confirmatis non obstantibus) partam, & Sententiis Summorum Imperij, iudiciorum confirmatam, contra quoscunque turbatores, mediis tam Iuris quam facti quibuscunque, etiam bello defensiuo, urgente id necessitate, tueri & conseruare, Monachosq; ad solutionem Contributionum intuitu iuris Superioritatis, Electoribus Treuirensibus, competētis debitaram; ab anno 1609. vsque huc cessarum, & iuxta distributionem & quotationem prætax Quæstoriæ, Summam viginti mille octingentorum & triginta nouem Coronatorum excedentium, vt & futurarum, via executiua cogere, licuisse, & etiamnum licere.

III. Protectionem Luxemburgicam, à refractariis Monachis, perperam & seditiosè imploratam, iam dudum Summorum Pontificum Indultis & Confirmationibus, Imperatorum Sententiis & Priuilegiis, Aurea Bulla, fundamentalibus Imperij legibus & sanctionibus, cassatam & abolitam esse; quin imò, iustissimis armis defensiuis, ab Electoribus Treuirensibus, Eorumq;  
Assi-

Assistentibus, sæpius explosam esse, & in perpetuum manere debere: Agritium verò Reckingen, pro Abbate falsò se gerentem, Priorem ac Conuentum, sæpefati Monasterij, serìò, & sub consuetis medijs Canonicis, admonendos, vt, à notorijs, scandalosis factis periuriorum, proditionis Ecclesiæ & Patriæ Treuirensis, læsarum Summæ Pontificiæ Maiestatis, ac Electoralis Dignitatis, vsurpatæ Iurisdictionis, seditionis, excitati belli intestini, fractæ Pacis publicæ, falsorum, damnatorum dogmatum, alijsq; criminibus enormissimis, flagrantibus, ac in facto permanentibus, (quapropter statim, ab executione, absque citatione, monitorio, & Sententia, contra ipsos, procedi potuisset) in totum abstineant, ac respectiuè reuocent, atque, adiuratas debitas subiectionem, obedientiam, ac reuerentiam moderni D. Archiepiscopi ac Principis Electoris, Ordinarij ac Commendatoris Sui, & Successorum Eius, postliminiò redeant: aut hoc n̄ faciant, contra Eosdem, vniuersos & singulos, ratione allegatorum notiorum criminum, iuxta communia Canonica ac Cæsarea Iura, Constitutiones Pontificias ac Imperiales, nec non specialia, à Pontificibus & Imperatoribus, Archiepiscopis & Electoribus Treuirensibus concessa Priuilegia, via iuris & executionis, vltèrius procedatur.

COMMISSIO MODERNI DOMINI Archiepiscopi Treuirensis ac Principis Electoris, Consiliarijs, vi Priuilegiorum data.

Quamuis igitur, iuxta præmissa, modernus Dñs Archiepiscopus ac Princeps Elector Treuirensis, ob mota, à Monachis arma, fractamque Pacem Publicam,